

আকাশ হতে আকাশ-পথে হাজার স্রোতে
 ঝরছে জগৎ ঝরনাধারার মতো ॥
 আমার শরীর মনের অধীর ধারা সাথে সাথে বইছে অবিরত ।
 দুই প্রবাহের ঘাতে ঘাতে উঠতেছে গান দিনে রাতে,
 সেই গানে গানে আমার প্রাণে ঢেউ লেগেছে কত ।
 আমার হৃদয়তটে চূর্ণ সে গান ছড়ায় শত শত ।
 ওই আকাশ-ডোবা ধারার দোলায় দুলি অবিরত ॥
 এই নৃত্য-পাগল ব্যাকুলতা বিশ্বপরানে
 নিত্য আমায় জাগিয়ে রাখে, শান্তি না মানে ।
 চিরদিনের কান্নাহাসি উঠছে ভেসে রাশি রাশি—
 এ-সব দেখতেছে কোন্ নিদ্রাহারা নয়ন অবনত ।
 ওগো, সেই নয়নে নয়ন আমার হোক-না নিমেষহত—
 ওই আকাশ-ভরা দেখার সাথে দেখব অবিরত ॥

Parjaay: Bichitro, Taal: Dadra, Style: Iman-Baul
 Visit www.geetabitan.com for notation and other detail